



Doaivvu čuovga seavdnjadasas

Dát giđđaáigi lea leamaš dievva historjjálaš hirpmaid. Ruošša Ukrainas 24. guovvamánu álggahan viiddes soahti lea durgedan min oahpes máilmmiortnega. Mañimus áiggiid dáhpáhusat leat bidjan suomelaččaid ja olles Eurohpá jearadit gažaldagaid dorvvu birra.

Soahtedoaimmat Eurohpás dagahit gealdaga fargga álgi ođđa jahkeáigái. Luonddu ođđa lihkkama ja šaddama áiggi mii geahččat ođasgovaid heavahusa fámuin: gávpogiid artilleriijaduššiin ja pánsárvovnnain mohttás gordnebealdduin. Goittotge daidge govain idistit jo giđa beaivesuotnjarat.

Dát guoktejuohku sihkkarit bisseha, ja seammás das lea risttalaš olbmui oalle oahpis. Mii eallit lpmila máilmmis, mii muittuha min lpmila buorre vuodas ja leahkima ipmašis. Seammás mii dovdat máilmmi ja iežamet roavva eahpedievaslašvuoda. Dán máilmmis mii leat lihkuhisvuoda vuložat, ja okta stuorimus lihkuhisvuodain lea olbmo miedisvuoha vuovnnalašvuhtii, vearrámus dilis čuovvumušain beroškeahtá. Soadit leat oahpahan midjiide maiddái olbmo alimus roavesvuodas nuppiid hárrái. Nuppi dáfus mis lea historjjálaš duodaštus mánggaid olbmuid erenoamáš eahpeiehččáivuodas buot hirpmaid gasku.

Dán jagi beassásevangeliium lea Lukasa evangeliiumas. Jesusa čuvvon nissonat leat mannamin árrat idedis Jesusa hávddi lusa, go sii fuomášit, ahte hávddi geađgi lea fierahuvvon eret. Sii gávdnet guoros hávddi. Sii ráttástuvvet oalát. Fáhkketaga sin ovddas čužžot guokte albmá, lpmila eangala. Sudno sáhka lea: “Manne dii ohcabehtet jábmiid gaskkas su guhte eallá? li son leat dás, son lea čuožžilan jábmiid luhtte.” (Luk. 24: 5–6) Nissoniid heavahuvvon máilbmái idista fáhkka doaivu.

Okta dovdduide čuohcci, dáiddalaš govvádus dáid nissoniid lođuhis dovdamušain ovdal beassášiđida lea Jaakko Löytty lávlla Toisen päivän iltana (“Nuppi beaivvi eahkedis”).

Pitkin pimeitä polkuja kulkea saan, / enkä matkani määrää mä tiedä. / Mua varjojen vallat käy valloittamaan / minut mennessään tahtovat viedä.
(*Friiddja jorgalus: “Sevdnjes bálgáid miel’ oaččun johtit / inge dieđe mátkán meari. / Mu fallehišgohtet suoivaniid fámut / háliidit mu mielddiset doalvut”*)

Goittotge lávlla muittuha čábbát morrašis ja seavdnjadasas ealli bajásčuožžileami duohtavuodas:

Kuka lohduttais murheista mieltä? / Lohduttais sanoen: / Miksi etsit sä elämää sieltä, / joukosta kuolleitten.
(*Friiddja jorgalus: “Gii jeddešii morašmiela? / Jeddešii sániiguin: / Manne ozat eallima doppe, / gaskkas jábmiid.”*)

Hávdi ii leat eallima loahpalaš mearri. Jápmin ii cealkke mañimus sáni. Bajásčuožžilan Kristusa searvegoddi lea bovejuvvon eallit duohtan Kristusa vuoittu jápmima fámuin. Roahkasmahttos dát sáhka min doivui ja risttalaš ráhkesvuhtii maiddái dán giđa 2022 dáhpáhusaid siste.

Beassáziid ovdal 2022

Jukka Kesitalo
Oulu bismagotti bisma